

“Kovit-19 dñisix àsi tàyxnix tàlāq ti tiim mǎx yām nǎ shàlilii

liixmiix ke lamshiax”

Kovit-19 kǎ yamlai vǎx?

Kovit-19 kǎ Korona Viras’ rǎtāq dñisix thfax kaü khamāq pinya tàlāq dñisix thfax phan àshiz rǎtawx. Maic pumz tek phǎnǎ kǎrǎ Korona dñisix thfax kaü khap ngaüx lawt tàlawx. M’cyaüx rǎngaüx pinya tàlāq Korona dñisix thfax kǎ maic phǎnǎ lǎvǎnz hiax rǎngaüx lawt tàlāq dñisix thfax khamāq sti q skhaq mǎq singax mǎtux kaix àkhyek rǎtawx.

Àpaz kaw kǎ Korona Viras’ thfax ngaüx raüyāq ra 5-6 lǎman àdfi àsix nawx mi tǎsǎp, shatmāq vǎyamx kǎlǎx ra 14 nǎ tiq àdfi àsix tǎsǎp tàlawx. Dñisix thfax ngaüx ti tiim àpaz kaw kǎ vitlam rǎmǎk raü hyeng raix mǎk dñisix mǎx yax ikhǎx li khamxsha vi raütǎ tsiqvii tǎtsiqvii mǎnz ra raix mǎk li ya tàlawx.

Nyungzvez tikii bi (viix 60 mǎq lamthaq), kǎmāq hanz nǎ àhinx dñisix thfax si ye ti tiim (maong dñisix thfax, su dñisix thfax, tàyaiz pax dñisix thfax, àbaw àphum cyanx hiax ti tiim, kenzsaz thfaxkaic dñisix ti tiim) phǎnǎ kǎlǎx àrǎ Kovit-19 dñisix thfax ngaüx lap raüyāq dñisix hyeng hiax pinya khamxsha lam koux raütǎ mi si.

(1) Dñisix tàyxnix thunx

Àpaz pinya tàlāq tàyxnix lamzli thunx

- Àdfi (tamomitar mǎq thimi raüyāq hanzkex 37.5 digri sintigrik rǎmǎkraü 99.5 digri farinhaic mǎq lamthaq si raü)
- Sawmiiz sawsaw
- Àniix àkawx

Dñisix hyeng hiax tàyxnix lam

- Dfidfüx he haxhix, dfidfüx he haongtha mǎk
- Khuk dfi (rǎmǎkraü) khuk nǎ àlaic àthaic rǎq àthǎngz thüx ikhǎx khamxya
- Bawmx bawm tang mǎk (rǎmǎkraü) tǎmeshi kawmxyawm

M’tinx lǎx pinya mǎk dñisix tàyxnix lamzli thunx

- Àdfǎngx (rǎmǎkraü) sumxkamx hü z lam
- Khüztǎngx, khüzshǎng shaok
- Mǎk dfi, mǎk ngam lüz nǎ shiithatha yax
- Rawt dfi
- Khudfi
- Hühanz chumzpawz dfi (rǎmǎkraü) hühanz haok laq yaq laq dñisix
- Hühanz khü nǎ àpawt shii sez tiim pawtlawt pinya
- Àgawq àphai
- Vaokdfi yut
- Tǎkhaix (rǎmǎkraü) khurux



(2) M'khäx mäq väx maicmiix law maicmiix raix àdamz singax ti tiim phänä law Kovit-19 pin tawx nguztä dfänzkam dfänzkaw cyängz si raüläx (ràmäkraü) m'tinx läx hyeng raix mäc dfisix tàyxnix lamzli khamxsha raükä



- Àhinx maic hia ti tiim pha mäq àluz nä singax läq. Maix raükä maicmiix hawnxhawnx khaok nä singax läq. Ràmäkraü rahaiz ravi àhia lap tàlâq paong khaok, paong yäm nä singax läq.
 - Àhinx ti tiim raix àdamz nä nguz raükä nüpängx (mask) samhia pängxvängx läq.
 - Samhia khingba läq. Kawnx phe liz kawnz läq.
 - Kovit-19 dfisix thfax ngaüx liz mäq maicmiix hawnxhawnx ra 14 tup liz singax cyängz.
- Dfisix thfax si ti (ràmäkraü) dfisix thfax si ti raix ràhumxhiimx haixngax lap ti tiim kä dfisix thfax tàyxnix tàsäpmaz mäc shaq li nguzraü mänz, ra 10 paong nä tätämzräk singax cyängz. Kärä ranaic làman nä dfisix thfax tàyxnix lamzli tàchixhax tàsäpmaz tàlawx nguz raükä lamthaq väx lamzli tiim ikhäx paong nä tätämzräk singax cyängz mi räq.
 - Kovit-19 dfisix thfax àsi àhüz säp lawt tàlâq test kàlawz maix tàlâq baz si raükä test kàlawz cyängz mi räq. M'khäx mäq väx làvänz test kàlawz maix tàlâq Rapid Diagnostic Test/RDT mäq test kàlawz raütä dfisix thfax àhüz (Negative) li daongz raümänz dfisix tàyxnix lamzli si raükä paong nä hali tätämzräk singax cyängz mi räq.
 - Kàkhäx tätämzräk singax bazlaz dfisix hyeng hiax lamzli khamxsha raükä hanzsängx lam shàlilii ke ti tiim phänä lamlüx tàtaisaw ke cyängz mi räq.

(3) Kovit-19 dfisix thfax si tiim kä hanzhaongx lap mäx phaqlia siava phaqlia ke cyängz mi räq


- Phaqlia lumz phan dfäm si tàlâq kärä tiim kärä phaqlia ranaic tek nä lawmx liz cyängz phaqliaq läq
- Phaqlia lumz phän dfäm kä –



1) Vaong, bunvaong, àlutüz, namzman thunx ràtäq hanzhaongx lap cyängz phaqlia tiim

2) Dfisix thfax tawz maix tàlâq viashaüz nyiipyäq, pedfiz viqdfäm ràtäq tiim





3) Hühanz yaonglux cyängz ngam àngiq, cyeraong, phütämz phücyé phanphan, pütai, vuztaiz, àraiz àvaong si tàlâq phaqsia cyängz tiim

- Phaqsia tàyamxyaw mäch àye phaqsia àninz àràam thunx (naic shiz nâ yängz 6) phaqsiaq raü àhia.
- Kham, hiava tàlâq pedfiz viqdfâm tai, ngam/àriiz lumx tai, viashaüz tai, dungxphawmz tai tiim nyäng kuq lâq.
- Raläm x daongx hiax ràràüyâq, kàmâq vaokdfi yut ràüyâq dattai tiim nyängx àmaix.
- Àpüz, àràam, àngai (shumzkhäp) naix vaokyut tàlâq phaqsia tiim kàrà thimi raütâ phaqsia cyängz.

(4) Kovit-19 dfsix thfax si ti tiim räq maicmiix hawnxhawnx tàtämzràk singax làman nâ yam thimi tiim kàlawzliix cyängz vâx?

- Hanzkex thimi lâq. Khaqsam hanzkex kâ 37.5 digri sintigrik (98.6 digri farinhaic) ràtawx. Kelämläm dfsix (Low grade fever) nguz raükâ 37.5 digri sintigrik (98.6 digri farinhaic) mäq 38.3 digri sintigrik (100.3 digri farinhaic) mi räq, shatmäq yam kiixnyiix ra mäk.
- Tàyaiz dawq kàrà thimi lâq. Khaqsam tàyaiz dawq viax kâ minit shiz nâ yängz 60-100 làman nâ mi räq. Àdfi si raükâ tàyaiz dawq viax àlàvânz mi räq.
- Tàyaiz maong vâx oksijin shangyi kàrà oksijin thimi cyängz (Pulse Oximeter) mäq thimi maix tàlawx. Hanzsängx hanzhia ti phänâ kâ tàyaiz maong oksijin kâ 95% mäq lamthaq mi räq. M'khâx mäq vâx oksijin 95% mäq lamkiq nawx nguz raükâ hanzsängx lam shälili ke ti tiim mäch tàtaisaw ràvaisaw cyängz nawx mi räq.
- Maicmiix phänâ tàyaiz pax dfsix thfax, shii dfsix thfax tiim si raülâx tàyaiz dawq thapthi naix tàyaiz maong vâx seznix dat kàrà ranaic tek thapthip cyängz mi räq.



(5) Dfisi hyeng raix mäk Kovit-19 dfisix si raükä maicmiix yäm nä yamkhäx shälilii cyängz väx?



- Dfidaongx, hühanz yaq àyiz dfisix, khudfi tiim ya raüyäq parasitàmol nyängx àmaix (maicla re mäh kä parasitàmol 500 gram pawz 1 mäq ràta pawz 2, shatmäq ranaic shiz nä lak 4 thaq nä cyanx raütä nyängx maix mäk).
 - Dfidaongx kaic mäk raükä khakäm thaq nä khiamanz tàpiimx raütä tàdax kuq läq. Dfidaongx saong hiax raükä khamkaic mäq cyinx ke law yü ràhex law maix tàlawx.
 - Dfisix thfax kaü tawztsiq (antibiotics), stiroic tsiq (steroids) naix Kovit tàhiax tsiq nguztä nguz tàläq tsiq tiim kàrà hanzsängx lam shälilii ke ti tiim dänxhawnx cyaongxphanx àhüz mäq nyängx maix mäk.
- Hanz nä àhinx dfisix thfax (tàyaiz pax, shii dfisix thfax thunx) si ti tiim kä maicmiix räq nyängx cyängz tsiqvii kàrà nyäng ruq nyängx àmaix.

(6) Pü tànyängx ti nawshii nyungz re kä Kovit-19 dfisix thfax si raü li mänz naw mäh kä pü tànyängx ruq tànyängx àmaix

- Naw mäh pü tànyängx yainä naix mishaq làman, kàmäq naw mi daw shaq naix dawxpix yainä yaq kàrà saxhex (sazbon) mäq setkant 20 tinx khanx samhia hextsex cyängz. Ràmäkraü mänz louxhux 60% lawmx tàläq yaq hex cyängz tai kàrà langx laüxtä heztsez läq.
- Naw raix fut 6 tàhiaz mäq khumshiim cyapngax tàläux nä law, naw mäh pü tànyängx nä law nüpängx (mask) pängxvängx läq.
- Shatmäq, nawshii mäh kä nüpängx tàpängx ke maix mäk.
- Pü tànyängx shawn naw thaq nä hatchü, kàmäq sawkhaok maix mäk.
- Naw pü tànyängx khamäq kawmxyawm kiz täq hanzhaongx ningxkunx lap mäh kham àpazpaz nyängx ke cyängz naix phaqlia siava phaqsia ke cyängz.

(7) Kovit-19 dfix ti mäch shäliliix ke ti räq shämclamx cyängz lamzli thunx

- Àdfi ti raix baz shiz khaok shiz nä singax tek nüpängx samhia pängxvängx shat ràläq.
- Àdfi ti shämxiix liixmiix cyängz nguz raüyäq lak shiz langx yaqhaongz kàrà langx läq. Yaqhaongz mi haongzpaax shaq nä naix àchut baic yai yaq samhia heztsez ruq ràläq.
- Àdfi ti àshämpi àshälilii tek, kàmäq phaqsia shaongxlumx cyawmx ke tek yaq hez ruq ràläq.
- Àlangx cyängz hupsamx thunx (khuz àkhia, pin àvinx, kaok àlaq, phaxcyet yaqtät, khuzdamx khiadamx tiim) kàrà àdfi ti raix naq tàrawx langx kiq.
- Àdfi ti räq àthänxshäm baz thunx (bawmxthi – kixlü yaqranx, vazkiaz) kàrà dfix thfax kaü miax tsiq (0.1% si tàläq haiphokhloraic tai/0.1% Hypochlorite solution) mäq ranaic tek tàsiixniix hiipliip tätyät cyängz mi räq.
- Àdfi ti naix àdfi ti shälilii ti tiim räq àlangx sinzcyiiz, nüpängx, tsiq àvii tiim kàrà samhia baicsaic saicsam läq.
- Àdfi ti dfix hiax nawx nguz raükä hanzsängx lam shälilii ti tiim mäch lamlüx tàtaisaw läq.

(8) Kovit-19 naix tàyaiz maong oksijin

Kovit-19 dfix ti tiim kä tàyaiz maong oksijin kawmxyawm vanx raükä àhunx àniix, dfix tàtäüzraüz, dfix he haongtha mäk tiim mi pinya khamäq tàyaiz maong oksijin thimi cyängz (Pulse Oximeter) mäq ranaic shiz nä àkawmx punzthum yiq 3 thimi cyängz.

Khaqsam hanzsängx si ti phänä kä tàyaiz maong oksijin 95% mäq lamthaq nä àsi.

1) Tàyaiz maong oksijin 94% mäq lamthaq si raükä lamthaq nä cyaongx ye kàkhäx thimi ruq ràläq.

2) Tàyaiz maong oksijin 90% mäq lamthaq li si raümänz, 94% mäq lamkiq nä si raükä –

- Àkáp nüx nä kawnx ke (ràmäkraü) oksijin samhia lap mäch laznä maix tàläq khux nä tàmeshi tàrawri kuq läq. (M'khäx kàlawz cyängz kä àrawnz nä liix läq.)
- Hanzsängx lam shälilii ke ti räq oksijin shup cyängz nguz raükä (ra mäk nguzraü mänz) oksijin shüxshup cyängz mi räq.
- Hanzsängx lam shälilii ke ti räq stiroic (Steroid) tsiq tiim nyängx mäch cyaong raüläx khaqkhaq taiphänx kàlawzliix cyängz mi räq. Stiroic tsiq tiim kàrà maicmiix khuzsi mäq nyängx maix mäk.

3) Tàyaiz maong oksijin 90% mǎq lamkiq nawx nguz raükä hyeng hiax Kovit-19 dfix thfax ràtawx

- Hanzsängx lam shàlilii ke ti raix ràcyaongphanx raütä tsiqrung düx cyängz mi räq.
- Hanzsängx lam shàlilii ke ti räq dänxhawnx cyaongphan kuq tàläq kàkhäx oksijin shüxshup ke cyängz mi räq.
- Hanzsängx lam shàlilii ke ti räq cyaongphan tàläq kàkhäx stiroic (Steroid) naix àhinx tsiq tiim kàrà nyängx cyängz mi räq.
- Kawncyängz nǎ siimsex nǎ tàphexphaok (àtsi, àpha), àkǎp nǎ bumxvex, àdfia nǎ kawnc, ngax maix raükä ngax laz mǎq tingtingx ngax ke tiim kàrà naxrix 2 tàkhiaz raütä yiiq shiz kàlawz ke cyängz mi räq.


Tàyaiz maong oksijin m'cyu m'tinx li ràqräq dfix tãtãuzraüz, kawnc mǎq tàdawxshai lawt mǎk (ràmäkraü) khuzthai thiamai kai lawt mǎk, yaqyiz hex lawtlax mǎk, säng àkin nǎ kiz lawt mǎk, khudfi (ràmäkraü) sungx àdfix bàràkshaq, kawnc tànguk, àbàruztuz tiim lǎx nguz raüyäq kǎ hanzsängx lam shàlilii ke ti tiim phävǎx khrumxshimx lamlüx yaüpi lǎq.

Àkáp nà bumx


Khudiaz 5 tàvex lăq.

- Khu nūx nă 1
- Khuk takiq nă 2
- Chüzpiiz takiq nă 1
- Lakü takiq nă 1


Dfidfux he măx àye mătux vaok takiq nūx kă yaq rex maix liz khanx tàhiimz thūx lăq. Àdfi ti kă àtasiim nūx nă kaongzkhu tàbumxvex raütă khudiaz thaq nă tàbumx lăq. Shatmăq, phaqsia lawt yai naxrix 1 làman nă kă bumxvex maix māk.




1) Kaongzkhusaq àkáp nă bum lăq.
(Minit 30 măq naxrix 2)




2) Àtsi nūx nă siimsex vex lăq.
(Minit 30 măq naxrix 2)




3) 30-60 digri tàpiiz laüxtă ngax lăq.
(Minit 30 măq naxrix 2)



4) Àpha nūx nă siimsex vex lăq.
(Minit 30 măq naxrix 2)



5) Siim kaw măq li bumvex lăq.
(Minit 30 măq naxrix 2)



6) Àtăsup yax àkáp nūx nă hali bum lăq.
(Minit 30 măq naxrix 2)
Lawt raükă àphax măq hali phax kàlawz naongz lăq.

Pulse Oximeter langx raütä tàyaiz maong väx oksijin kàrà thimi

- Cyak nä kä tàyaiz maong oksijin (SPO2) naix tàyaiz dawq (PR) kàrà tàchix tàlawx.
- Minit 5-10 tinx khanx khing laüxtä tiq àngax laüxtä thimi kuq läq.
- Yaq kaic bazlaz (ràmäkraü) yaq piimx bazlaz thimi maix mäk. Àthi cyängz yaqshi kàrà tàkeläm liz shawppanz kuq läq.
- Cyak kàrà yaq shila (ràmäkraü) shiyamx shi dfii kàyäq tàkhap thüx cyängz. Àhinx yaqshi kiiz tiim nä mänz tàkhap thi àmaix.
- Cyak thaq väx cyak kiaz kàrà phyit raütä yaqshi kàrà tàmeshi mäk mäq ràcyängz. Cyak kàrà yaqshi nä setkant 30 mäq ràtä minit 1 nä saüx liz tàkhap thüx mäx ra tàlawx.
- Khamdfawz ikhäx àtawnz àlawnz sez tiim kàrà säng vanx raütüq m'cyu ràtawx nguztä thapthi läq.
- Nawsez re phänä kä yaq tàme hiäx nguz raükä haokshi shikaü (ràmäkraü) àhinx haokshi kiiz tiim nä mänz thimi àmaix.
- Kovit-19 dfisix tàchix tàsäp mäk mäq kàmäq hunxniix àhüz mäq mänz oksijin kawmxyawm kai (silent hypoxia) kä àpaz kaw pinya tàlawx khamäq thimi ruq ràcyängz.

Tàyaiz maong oksijin cyaongx yiq lam thunx

- Yaqshi dfii nä raongxvaic phan shiz raz (yaqsänx raongxvaic àlaw thüx, yaqsänx shaq ràmäk phan àtsawmz thüx, yaqshi dfii nä tsiqvaic àmänz thüx tiim, shäkpawt cyixlai pawt ngamcyanx pawt si ti tiim, tsiqtai mäq àlaw thüx, nyixshup vazdaic räq ànyaq raix ti tiim) àsi khamäq
- Àthimi bazlaz àtàmeshi raix khamäq
- Cyak thaq nä ravüxli chai hiäx räq lap khamäq
- Karbon monaoksaic miaxtai si khamäq (Carbon monoxide poisoning)
- Tàyaiz kawmx dfisix thfax naix àhinx tàyaiz raix sengx tàläq dfisix thfax phan si khamäq

References (Tengzräng)

- WHO
- CDC
- Brief Covid-19 Guidelines from MAM
- FAO – nutrition guidelines